

小  
匏  
庵  
詩  
存

小匏庵詩存卷第三

嘉興 吳仰賢 牧騶

己未春權知昆明縣事畢陽吳湛溪先生

德清

由曲靖調

守雲南以都門留別詩四首見示步韻奉和

蠻觸紛紛挾戰沙  
哀鴻何處問生涯  
軍烽隔嶺愁諸險  
瘴雨兼旬鬱五華  
轉粟邊方無卜式  
搜材奴隸到朱家  
蒼茫莫測天心醉  
起舞時時拂劍花

記迎郭伋篠驂連行部  
歡同借寇年  
辟敵聲先桃茆外  
班春期及杏花前  
要令回紇呼吾父  
比似成都說尹賢  
甘載平反一枝筆  
重燒官燭爲籌邊

公由乙未進  
土官刑部

滇海同舟沂渺漫  
蛟螭噓浪逼人寒  
宦途何處不云險  
學道方能勝此官  
局外談棋成敗易  
場中逐隊步趨難  
石城回首甘棠

在阜卜蒼生屬謝安

滿目瘡痍奈爾何傷心往往寄高歌壁堅庶免牢羊失

時奉檄  
起辦堅

壁滿野諺起猶愁市虎訛剗肉他年勞補救養癰暇日惜蹉跎感  
時一掬監門淚灑比都門泣別多

學憲吳和甫先生舉生平足跡所至選其勝境各繪一圖

凡二十有四而總名之曰繫懷圖命題賦此

使君文采今歐蘇華裾蔥轡翔天衢讀書中秘探經郭李嶠才  
子

天子呼星詔遠莅窮九隅燕秦晉衛齊楚吳竹玉杜宇聞見殊  
足跡但未踰蒼梧縹緲金馬仙之區兩銜使命萬里趨五華

駐節雙輪扶扈揚風雅開榛蕪歲在執徐寇張弧赤丸白梃紛  
塞途諸生戎服短後襦蠻觸相爭胡爲乎使君蒿目意不愉遣

興寫此臥游圖雪泥鴻爪無處無一一俱倩丹青摹雲山咫尺  
方蓬壺輟輿憎馬兼飛鱸擔囊作使平頭奴前馱酒榼後茗盃  
聯吟尤愛詩僧癯今年秋滿當還都春水方長思莼鱸故鄉云  
有桑田腴男耕婦織亦可娛遂初逝將狎菰蘆鳳書飛下雲彩  
鋪汝作學士

帝曰俞璠璠久充廊廟幸公少畱宏遠謨蟣虱之臣負弩驅  
六橋漁夢今模糊送公朝天歌驪駒願公文望齊斗樞他年校  
士過西湖舊游煙柳應未枯

讌集蓮華寺翠海亭

到來城市忽江邨淙水盈盈繞寺門大芋高荷收雨氣梵鐘法  
鼓罷塵喧沼魚近狎庚辛檻風鶴遙傳戊己屯休沐會尋濠濮  
意茶初酒半已忘言

謁鄂太傅祠

依然節鉞控蠻天，俎豆難忘報賽年。  
曩事艱危思故帥，重臣開濟有微權。  
三邊威望均韋史，並世勳名失李田。  
最是廣平吟筆豔，弓衣繡取海棠篇。

公有秋海棠四絕句最佳

挽安甯州慶克齋刺史

安

君治州有聲比戶愛，戴值回匪攻城募州人。  
禦之衆皆踴躍，有感激馳驅之誓俄而離心衆潰。  
城陷君死之。

曼纓長劔手彎弓，聞道連然士氣雄。  
頗解父兄呼僕射，可能子弟似江東。  
城危官已成孤注，寇狡兵先約反攻。  
萬衆投戈臣死職，握拳未洩寸心忠。

赤手誰扶大厦顛，聞聲厲徹雲天貞。  
魂直傍羅青塚。

前朝州人死忠

者殺氣難消太白煙，九死不忘臣有母。  
一棺歸去橐無錢，荔丹

他日官祠廟配食母遺小杜賢

吏目杜君鴻  
金同死難

得都中友人書有感

甘泉奏捷喜擒渠橫海將軍舊建旌廷議尙聞籌馬市邊防未  
可棄狼胥榻前何物容鼯睡宇內經年少定居最憶南朝江洗  
馬憂時曾上徙戎書

讀李子仙孝廉

福鄭河官柳詩和韻

白石橋橫古道邊藤蘿斜裊戍瓶煙班班車過河間郡冉冉花  
飛寒食天夢裏燕臺如昨別歸來陶令是何年曉風殘月耆卿  
句拍入紅牙儘可憐

扁鵲祠開夕照邊公孫樓塹荒煙幾人匹馬從官道終古寒  
鴉噪暮天淘盡英雄東去水重予涕淚北征年攀條無限興亡  
恨莫更橫陳學小憐

贈褚協戎

克昌

將軍鍊膽如鍊鐵能以隻身搗虎穴束髮從征二十年賊聞其名兩股慄龍蛇之歲蠻觸爭碧雞山前戎馬橫鄉兵十萬棄甲走赤壁一炬街市平焦頭爛額救不得鼠雀已盡睢陽城置臣呼吏夜飛檄亟召將軍去殺敵提戈躍馬歛然來迅似空山響霹靂刀光掣處頭顱飛蚩尤走藏魍魎匿長驅壯士口銜枚直抵城隅不瞬息將軍叩城城洞開馬前羅拜飢民哀騾綱絡繹挽粟至歡聲動地如春雷城外賊徒已披靡城中惡少復攘臂赤丸白槌鋒莫當市上攬金倒篋箭猛虎在門豺在室此時危城呼吸寄將軍屹然城頭坐令下如山一箭墮秋毫莫犯犯者誅藁竿戟插粉堞北門鎖鑰掌握中撲亂須臾同撲火外清內肅盜藪空僉曰將軍勇且忠幕府錄功告

天子鳳唳銜詔恩賚隆孔雀羽翠鶴頂紅期門飲飛勇號全天  
生奇材必大用保障豈僅私滇中君不見江南狂寇紛如蠛又  
不見粵東夷艇屯如蟻頻年鼙鼓擾海內鑿門推轂需英雄滇  
南小醜尙易殄移營會須翦元凶王龍驤霍驃騎名將古來豈  
有異將軍繼之功不世伐石蒼山我作記

龍泉觀

陘山迤邐繞雲根重訪僊壇雨外邨行過野橋先見塔到來深  
樹不知門紅梅花續唐宮豔黑水祠分漢時尊觀卽漢黑水祠戲把胡  
麻啖龍子一羣錦鬣逐波翻潭中小魚無數俗

送友還楚南

送者自厓返美人歸以南秋風吹驛路幾日過湘潭江上仍鼙  
鼓山頭綻橘柑遙知到家樂沽酒佐宵談



蠅虎

日射蠅頭利居然虎視雄天寒嗟食盡同作可憐蟲

蝸牛

兩角慣屈伸一廬自闔闕避隱在牆東勝踏磨牛跡

芭蕉

夏雨初過衆綠稠芭蕉葉展響蕭颼寒梅偃臥茅檐底看爾飛

揚早出頭

皇姑墳

在廣南相傳永明王  
妹隨行至蹟病歿

華飛穠李委荒塋瘴雨年年冷漆燈不及長平埋玉地墓田相

望十三陵

讀釋石庭紅雪秋聲詞

明鏡菩提入悟來紅梅花向雪中開南朝寶月傳衣在未礙風

流咏玉臺

芭蕉葉長拂窗櫺讀罷楞伽幾卷經不寫秋聲寫春色新詞自

唱柳稍青

古觀洗來蕉葉白新詞填出柳稍青  
自家吟向自家聽集中流溪沙句也

謁甘忠果祠

三桂之難  
殉吳

妖狐嗥四野敵國起同舟尾大誰能掉身孤早自謀危疆仍一  
統勁節獨千秋子姓今寥落棲遲似馬爾

庚申二月二十七日賊陷杭州三月三日江南援兵克復

逃聽愴懷感賦八首

湧金門外朝傳箭浮玉山頭昨舉烽

賊從湖州  
界竄入

妖霧捲空騰白

馬蟄雷繞郭迸紅龍

賊用地雷  
穴城轟陷

譙樓射折三千弩湖寺敲沈百

八鐘

賊踞昭慶寺  
從清波門入

桂子荷花南渡曲不堪重問舊游踪

棘闥往作荊州借江左風帆浩浩來潮挾蛟螭何雜選榜懸龍

虎正喧

去歲江南借吾浙考闕鄉試

但憑灞尉當關坐已見王郎賣卜回

暗度明修途

奸民王道平在杭城賣卜私與賊通

早熟忽驚賊騎盡銜枚

從軍舊逐李輕車

一隊雕兒擁隼旗棄甲歸來重授甲戰書纔

下忽降書

城中招集潰勇署爲復勝軍督令守城遂陷練兵無策招亡

命攻毒乖方柰潰疽始憶錢王功不細東南半壁好家居

聞道開關一控弦鳳凰山下賊營連誰知五百阿羅漢已走三

千惡少年

賊以羅漢五百尊掛列營內背插旌旗以爲疑兵草草干戈等兒戲沈沈幕

府但高眠池魚不待城門火敢寶先摧范蠡船

船泊瀛子橋河下謀開艮山水門而道城破之先被復勝軍投劫一空有驚懼投水死者

六橋煙水好林蠻猿鶴奔飛一指彈漫倚桃源爲樂土未防蓬

島有驚湍

事急時居民猶以抗州素未被兵自解羣公慷慨軍前死諸將從容壁

上觀尙喜八旗屯勁旅將臺無恙峙城端

時所調各鎮援兵皆遷延不進而滿洲駐

防營  
未破

羽書諸道檄援兵旌旆如雲戰馬鳴事去秦庭三日哭功收漢  
將一軍驚誓期早卜先庚筴賀捷齊飛上巳觥不是威名張萬

福偏師那遽奪長城

謂張軍門玉良

頻年籌餉靖烽煙事後追思憫倒懸賈舶久徵官格稅市門又  
索月椿錢鬪心未買黃金竭戰骨誰收碧血填財賦東南航海  
速可能捩舵及春前

萬里微官羈絕域

九重哀詔惜中原客身去就無成議故國傳聞欲斷魂玉粲傷  
春撫書劔杜陵經亂念田園莫將司馬青衫淚認作杭州舊酒  
痕

龍泉觀古蹟

唐梅

廣平昔作梅花賦，開元宰相饒風度。  
擲筆一去千餘年，唐代梅花開如故。  
一株舊落天南陲，蒼茫甲子不可知。  
翠羽翔空發古豔，老蛟露脊無醜枝。  
花落花開幾彈指，蒙顛段躡空爾爲君不。  
見黃臺瓜摘臺亦圯，沈香亭北牡丹死。  
惟有此梅歲歲開，山人白衣尙姓李。

宋柏

大渡河西畫玉斧，蜻蜓弄棟非吾土。  
如何廟中青銅柯，姓氏尙畱天水。  
古世俗附會譚鴻蒙，湯盤禹鼎誰折衷。  
韓非或將老子配，鼠璞終與燕石同。  
老僧指點姑妄聽，摩訶亦見太古風。  
君不見殿中玉檜一宵長，白鴈南來墮哀響。  
銅駝荆棘厓山傾，此柏依然在天壤。

久雨

久雨無乾土連朝不放晴急流尋罅走荒草奔門生米價湧潮  
汐雞聲亂晦明遙憐防戰地塗潦浩縱橫

挽楊樹侯太守

觀殉難楚雄

專征楊僕舊知兵馬革功名殉此生鐵騎連屯驕突厥紙薦無  
信遞臺城同舟已作蟲沙夢抵死難平水火爭歎息賀蘭惟坐  
視不將一旅助先聲

口占

炎方風味劣難堪絕少魚蝦佐酒酣白露鰻鱧霜降蟹  
人那不憶江南

石蚌形羸似水雞驚名山翠澗中棲攜來博得詩人笑屬本河  
豚好品題

贈巖樓上人

吾宗老學士舊許爾能詩謂和甫結社西山頂希蹤蒼雪師以

余愛禪寂未得踐幽期相約尋秋去裹糧溟海湄

髮鏡軒小憩

在碧雞山麓以山上有美人峯命名

軒窗洞啟俯昆池池上千山窈窕姿一笑鏡中逢舊識西湖到

處似西施

草梅子亦名西湖

放眼江山放膽詞憑欄閣筆費沈思

軒中懸審陽花蘇公制軍所製盈聯云誰云有畫有

詩即放膽如何下筆爲問是月是冰且忘拭試一憑欄

近來老輩風流盡誰爲徐凝洗惡

詩

三清閣

平生幾兩阮孚屐不向東家借蹇驢峭壁倚天通帝座仙人自古好樓居石阡華表棲遼鶴香案殘經走蠹魚亂後黃冠歸未

得四山落葉擁階除

到眼滄波百感生白雲回首負鷗盟  
神山縹緲飛龍引世事艱難猛虎行  
誓不歸休有如水縱然勝賞未題名  
天台刺史丹成否一笑終南捷徑橫

由羅漢洞登達天閣

陡壁削千仞飛鳥不敢息忽作鑿空游  
賴此象教力何年斷山骨直上失輦  
崩夸娥二子從仙宮六丁勅神椎奮  
雷碾鬼斧窮鏤刻石扇砉然開天梯  
漸可陟曲如螺殼旋狹似羊腸塞危比  
雀巢懸深類蛇穴匿繞出秋毫巔瞥  
啟梵王國殿宇鬱嵯峨瓔珞儼拂拭  
雖露斧鑿痕不假土木飾我初循山  
麓舉頭倏眩惑疑是神仙窟縹緲不可  
卽千盤望背肩百折穿脅肋晦明亂昕  
宵向背昧南北垂足懼躓顛援手容匍  
匐攀崖得堂皇屏氣暫



小齋詩存卷三  
六  
斂歎大海足底橫雲氣帽簷逼僮僕凜相看酌酒立我側把酒  
叩青天硯礪訴胸臆雷公怒余狂闖闖排不得淚落蟻蝨臣安  
得生羽翼

田家

最愛田家好連邨綠樹齊晚涼喧穀犬秋水網秧雜紫帶棚垂  
豆紅鹽曰搗磑老農跂腳臥不識有征鼙

渡草海子

野菇葉長藍于靛海菜花開白似銀四面水田無去路鷺鷥飛  
處見漁人

瓜皮小艇坐無牀笠子蒙頭障夕陽憶煞吳孃船六柱虎邱三  
月泊橫塘

觀宋岳武穆王石刻手蹟

鄂王智勇兼不獨擅膂力隻手扶山河餘事弄翰墨觀其下筆  
時倦倦在君國杜陵忠愛思先後垂典則北宋禁蘇黃文字遭  
阨塞嗟爾謬醜徒日夜事羅織所忌在勳名未暇及著述尺楮  
趙璧珍千載重拂拭豈無義獻書重是忠臣筆塚上向南枝勁  
健與之匹

西山頂望滇池

亂踏秋林落葉殘一枝筇杖磴千盤鳥從匹練光中沒人在萬  
松頂上看水氣逼雲鱗甲動天風吹客布袍寒卽茲眼界寬於  
海不向湖樓問大觀

時大觀樓燬于兵燹

喜晴

夜雨不可罷蕭蕭窗竹鳴檐溜曉已歇霧斂天宇清鳥雀喜相  
噪覓食下階楹暫止復飛起搏翅颯有聲雜花泣餘潤衆綠皆

怒生早起一流目無言怡我情人生貴適意朝夕何營營卽此  
北窗下渾忘寵辱驚

陳圓圓於吳逆死衡陽後卽遁迹爲尼聞滇城外瓦倉莊  
尼庵尙存身前小影二幅一少年靚妝一比邱尼裝近  
經兵燹俱歸羽化矣

讀罷梅邨曲吳宮草不春畫圖已零落何況畫中人

### 養鷹歎

主人愛蒼鷹提攜逐黃犬羅致千百翼發蹤備調遣飼以太倉  
粟絛錠與爾免草間狐兔東西馳驅爾向前撲殺之一朝礪吻  
厭狐兔歸啖主人雞與鷺搖頭鼓翼飽颺去主人歎息亦何暮  
勸君逐鷹慎莫畱但願鷹去化爲鳩邨邨布穀祈有秋

### 安甯州溫泉

炎風扇地根陰火煮雪窟女丁而婦壬無間寒暑月丹池含氤  
氲碧甃砌凹凸新都博物徒投荒作戍卒謂勝驪山泉大書樹  
石碣惜哉落蠻方不獲降羅襪當年肥婢驕買笑黃金竭唾欬  
九天承揮斥八埏越荔支置候迎一騎來歎忽鴻都引仙遊廣  
寒歷宮闕何無縮地方萬里徙濱渤輪與纍熨民昕夕濯毛髮  
但餘駭汗傾那有凝脂潔連年寇盜纏橫流勢汨汨花門恣燕  
游腥羶孰洗伐黍地少人耕豐年食糠粃禦冬無完襦老穉走  
兀兀君看温池温旁有凍死骨

題擔當和尚畫

師名首荷一名通荷晉甯人唐氏子名泰  
明季聞國變棄儒爲僧曾執贊董文敬門

下詩畫皆有法詳  
張浦山畫徵錄

擔師笑爾擔何物四大皆空未息肩  
少日唐衢歌代哭晚年摩詰畫通禪  
筆鉤墨搶都生趣錫影瓶光是淨緣  
舊向容臺嗣衣

鉢此中三昧問瓜田

讀明史于少保傳

萬馬奔騰發帝京澶淵故事詔親征效顰一擲傾孤注始信朝

端要老成

英宗效宋澶淵之役致大敗謙愍宋南遷之誤成大功毫釐千里此中煞有識力在

虎將桓桓首斬關南宮擁衛溢朝班如何土木重圍裏不見諸

公奪駕還

觀星妄意測天工笑煞徐理太喜功他日白頭戍金齒問君身

命坐何宮

復辟爭誇迎駕勇引裾誰諫出關時裕陵枉費封侯賞不抵黃

邨一呂尼

宛平黃邨有勅賜保明寺寺中尼呂氏陝人正統間駕出關尼送駕苦諫不聽及還轅復辟念之乃建寺

賜額人稱爲皇姑寺見耳談

定策端資柱石臣六龍重返翠華春屬鏤稽首君王賜只把香

檀肖寺人

英宗復辟後思王振不置詔刻香檀肖其像

黃龍未飲歸柴市紫蓋迎還棄柳車千載奇冤兩少保九原相

見各歛歎

易儲諫草歎銷沈俗口傳疑竟到今試看憲皇昭雪處青宮當

日鑒君心

弔明王禱吳雲

先後奉太祖命往諭梁王被雷遇害

使星兩度降蠻城溫詔如刑白馬盟不見尉佗尊陸賈竟傳希  
烈殺真卿山川南徼誰收骨氣節東林有繼聲天意奇勳開沐  
國龍驤上將事專征

少年行

雕面少年紅帕首雉尾披肩大如帚

時所見如此

臂槍躍坐生馬駒

自謂橫行無敵手打羅椎鼓社廟前千夫會膳斫瓠肩揚眉結

義呼昆弟意氣直欲無前賢失意相讐反乎復道旁荆双腸出  
腹汝兄汝弟歌酒樓惟見寡妻枕屍哭

孔雀

滇中多孔雀負奇在毛羽山人網一雙入城鬻豪戶主人愛惜  
深隙地規後圃織竹以爲籠捕魚以爲脯深深金屋藏宛宛玉  
節舞豎尾翠作屏引吭媚其主春風東南吹仰天忽愁苦東我  
飛騰姿豢養亦何補向友鸞凰儔今與雞鶩伍長辭元圃棲此  
間豈樂土誰憐奮飛心開籠試放汝

鼪俗呼黃鼠狼

狼性貪鼠性黠汝兼厥惡吁可殺汝軀瘦削檐瓦棲汝喙尖尖  
尻尾低昨日齧我闌中鳴今日馱我籠中雞不喜噉肉惟飲血  
毛羽零落委塗泥亟薰其穴走而竄迅如脫兔不可按狸奴分

肥那肯追鼠輩附惡擾宵旦強弓毒矢當手操應弦一蹶伏地  
號呼僮拔汝脊上毫縛作不律鋒如刀大書罪狀傲汝曹

挽褚軍門

在迤西征勒  
回匪陣亡

褚將軍忠而勤夙以驍勇冠其羣蒼山有賊今五載磨牙擇肉  
負隅而待大吏請於 朝謂將軍勇且忠其總師西討用聲厥  
罪將軍聞命趨啟營士何起起馬何彭彭不聞譁聲但聞銜枚  
疾走兼程行數日已過威楚城西人大喜謂此邦是將軍故里  
而父而兄若子若弟或礪矛鋌或挽粟米一戰奪其營再戰毀  
其壘將軍橫戈曠視指賊而誓曰誓必殲爾賊懼且逃伏地一  
蒙封狼豕摧捲地而來鏖是夜將軍巡視秣馬仰見太白睽睽  
櫟槍竟野哀哉援絕而糧罄拔劍起舞淚落如瀉大呼不死非  
英雄突前奔其鋒妖腰亂領飄擲如秋蓬力竭而死何天夢夢



諸賊酌酒相賀詔奇功君不見李壯烈入海埽盜穴盜未滅將  
旗折部下憤泣併力擒渠纓祭墳前慰碧血將軍之死無愧昔  
臣雪將軍恥者期何人嗚呼將軍雖死勇莫倫

孫菊君同年

清元

以詩集見示賦贈

南朝足佳士紛紛入幕賓之子抱奇骨談詩薄梁陳上書適不  
用歸臥昆海濱南游牂牁道忽揚戎馬塵屈身就記室草檄喻  
迷民時亦飾閒暇登樓覽郊闡張膽咏時事潛心希古人雖無  
簡書責志士多悲辛

滇中亦文數 昭代多令辭就中服老輩南園尤可師豈惟律  
身峻翰墨道不卑力摹魯公字遠躡昌黎詩時於嚴厲處彌見  
妩媚姿君詩力頗健老梅橫疎枝蒼鷹森六翮豈屑飾羽儀願  
從翦燭話古哲同所期

滇池竹枝詞

妾家舊住碧雞畔，郎家近在金馬隈。五更月落羣雞唱，不見郎騎金馬來。

檳榔花開妾送郎，郎今出門道路長。手煮茴香與郎喫，願郎此去早回鄉。

滇海西流不起潮，照見妾腸只一條。郎心莫學六河水，一到秋風漸漸消。

勸郎且耕草海田，勸郎莫販黑井鹽。田租輸後妻孥飽，鹽稅今年十倍添。

庚申十月省垣紀事

古有和戎策，今皆率土臣。罷兵務休息，定計莫逡巡。首鼠誰當局，奔蜂忽駭人。從來謀大事，虛已問齊民。

鼓譟諸營沸齊來僕射廳將軍眞跋扈幕府費調停警夜街傳  
柝登陴戶出丁閉關非久策羣議漫盈庭

白刃供兒戲哀哉雷仲倫頭顱隨一擲生死了無因亂國輕文

吏驕兵與盜隣見幾君子懷甯爲厭風塵得卒洵洵索主撫護者通海令雷焱在潛

署候被戕

蛇年建午月狂寇競探丸已貸當時罪頻施法外寬甘言仍誘

我潛襲詫無端通潞新乘勝時聞煥夷犯通州官兵破之

皇威莫妄干

冬蟲夏草

身世炎涼外機關動植中由來不死草只是可憐蟲

讀陳臥子詩

聞蟬聲裏發高歌接響三唐埽日窠大節能爲哀粲死驚才豈

患士衡多五茸春色由來富兩社文章此不磨世上硜硜議流  
派可知萬古有江河

論詩

月旦諸家徧九州議今議古等虬蟬君看百代遑槃敦獨有蕭  
梁文選樓

盛初中晚辨斷斷廷禮編詩例自新三百年來唐一統可憐割  
據付詩人

弇山厯下亦千秋後輩雌黃未肯休解誦隨園詩幾首已嗤七  
子欠風流

佳句眉庵

楊孟  
載基

久擅場慣將詞調入詩囊薔薇芍藥紅閨語淮

海當年已濫觴

數峯江上句傳名鎖院抽毫少正聲近代功臣得二老前惟宗

伯紀後司成

吳錫

三百篇多博雅才小戎一什見鴻裁若教白戰推神品萬卷何須讀破來

樂府本無流派判童謠頗覺古音畱近來按譜填聲調誤把詩當曲子謳

主客圖成斷句新紛紛詩話玉和珉一編祇服漁洋好吐屬終當似晉人

語含蔬笋學頭陀擊壤編成說理多兩種詩魔最堪惱不如洗耳聽山歌

題糕九日費沈思選字矜嚴似鬪棋一自後來趨坦率打油釘較盡能詩

華亭寺

山木鬱參差山門杳不知客來樵徑外僧飯夕陽時  
翠地花如幄穿泉石作池亂餘鐘鼓廢清梵數牟尼

歲暮感懷

萬里干戈兩鬢絲離家五見綠楊枝流官去任成羈客全浙何  
人舉義旗南土崇深丘蚓瘴北堂淚隕蓼莪詩思歸念亂無窮  
恨又到天涯改歲時

久不得北來消息次前韻

聞道長安亂似絲久虛驛使寄南枝朝中賈誼何無策天上蚩  
尤尙有旗百辟扈游東狩禮于邨寥落北征詩黃金臺畔羣迴  
轍巢許紛紛足此時

飲酒

天亦有時醉何爲人獨醒古來狂阮籍豈效泣新亭魴鱖書誰

寄龍蛇鬪未停不如張口飲白眼看滄溟

臘月十九東坡生日

公之生前衆所怒欲速公死借黨錮公之死後衆所慕願祝公  
生侍杖屨吁嗟平古人不起今人妒今人妒心甚京布公若再  
生公亦怖

張星陔同年

啟辰

移寓龔家邨詩以代柬

張侯近徙宅門設晝常關不意邨居好得之城市間宦情銷白  
髮鄉夢狎青山賸有論文友尋幽數往還

戲題追魂碑後

北海書名一代尊六丁夜攝夢無痕仙家但重表阡筆塚底何  
無術返魂

送湛溪先生備兵迤南仍用前韻

存二

六年戰地莽蟲沙滄海橫流未有涯幕府飛書連蜀郡

滇中餘匪竄入

川甘泉馳道望京華

時

馬辛木蘭未回

蔡人莫便輕唐德龔守今看出

漢家領取使君廉惠意昆池開漏白蘋花

甫制雲南府築

瀾滄江上水瀾漫天筆山高樹影寒草奏爲紆南顧策監司古

是勸農官華夷雜處相馴久寬猛皆恩互用難到日穀花茶許

乞小窗傾遺竹罍安

普洱茶在六七月收者名穀花茶

### 雙耳來

乾隆時豐君紳額娶姬某氏大理人豐後以事去官先

回省垣謀歸里時姬猶在大理念姬年少寄書遣之姬

得信割雙耳附以小詩一章封寄豐曰聞君歸故里不

與妾俱回妾願隨君去先將雙耳來豐得詩感泣挈以

同歸



妾不誦白頭吟妾不寄回文字妾身隨君昕夕侍如茵在車鞍  
在騎君滇池妾點蒼黃姑織女遙相望聞君還故鄉棄妾在路  
旁妾無雙飛翼那能銜環墮君側妾有九迴腸轆轤在胸訴不  
得操刀割耳血涔涔雙耳中有一寸心持寄君前君莫怒悅君  
憾君激君悟君不悟妾誰訴惟有將身化雲霧千里萬里逐君  
去

題周母趙淑人割臂圖爲周蘭坪茂才

桓桓周都尉束髮事戎旃義不顧家室持家仗婦賢橫槩五十  
載髮鏖猶少年萬夫不足敵二豎倏見纏國醫窮和緩上藥乏  
汞鉛賢婦醒然起焚香呼蒼天妾身卽君身疴癢一體關長願  
骨肉完那惜肌膚殘持刀割左臂和藥進牀前高義奪造化夫  
命果再延夫命雖再延兩載復重淵奇方失再試撫創淚潏潏

臣道其妻道名教塞兩間都尉報

天子奮臂必爭先賢婦報都尉割臂非所難忠愛出至性豈爲懷私恩有子識大義作圖永其傳父書與母教持以光簡編

蓋忠寺瞻阮文達相國像

儒帥風流一代稱疎髯秀目骨峻嶒居人自啟思賢閣

東坡挽陸龍圖

說詩自註成都府有思賢閣繪諸公像竟伊莘農協揆績成之體例皆公手定

行客猶當下馬陵六詔山河成信史

公重修滇志未

青雲附驥蠅

金殿

卽太和宮在滇城東二十里鳴鳳山一名鸚鵡庵又名銅瓦寺萬曆中巡撫陳用賓建鑄銅爲殿環以甎城奉祀真武像

言尋鸚鵡庵乃在鳳山側石磴引途長筠輿穿箐密初地峙山  
門重關闢香域佛亦專城居崇垣勢崩崩眼明見花宮照耀黃  
金色誰鑿銅山穴來構梵王室參差萬瓦明磨礪兩楹植藻井  
與疏窠玲瓏勝雕刻中奉武當神玉座頗瑩拭庭前五丈竿大  
旗颺落日居然範金爲非是通帛質穹碑屹兩旁大書夸撰述  
經始萬歷中甲辰首載筆偉哉陳中丞持節撫南國勇略伏猱  
獠餘威聳禦燹三宣設八關屯兵備緬賊雄才足籌邊韋李乃  
其匹惜哉侈心生未免畱口實銅柱馬援置銅鼓武侯勒克敵  
揚天威豈恃象教力况當神廟年中外困培克殿工籌度支礦  
使徧南北滇中增貢金數比舊額溢輦石充山莊購象備鳳蹕  
要荒肆徵求帑縉糜千億以茲六詔民愁歎廢力穡中丞亦慈  
祥寶井役請息乞哀一紙疏讀者尙心惻奈何侈興築物力不

遑恤竭此三品金空爲十地飾卽今厄紅羊戰場浩荆棘昆池  
灰再飛阿房火未熄茲殿類靈光巍然可登陟窗軒稍零落父  
老爲哽忍醱金累錙銖鳩工庀堂闕母使大厦傾謂是明神式  
我意獨不然狂論衆所嫉不見民苦飢老穉葬溝洫厥廢鼓鑄  
窮那能賑萬鎰佛開甘露門斷臂且捨得何惜方丈地借爲救  
荒術巨炭熾紅鑪新模就赤仄彈指千萬緡散以助耕織鴻啓  
得棲遲鶉衣救漂慄徐議銷兵氣農器鑄亦亟斯事實便民余  
豈貪貨殖彼佛如有靈罪謫誓不怵

五雜組

五雜組桑中雉往復還烏哺子不得已五斗米  
五雜組官燭炬往復還吏案簿不得已學蠻語  
五雜組豐城劍往復還驛亭傳不得已焚筆硯

五雜組蒼白鬢往復還蠻觸不得已歸君印

題高且園司寇

其佩

畫馬

庖丁解牛目無牛伯時畫馬胸有馬高侯此畫彈指成前身應是相馬者一馬踠地鬣尾張塵沙怒挾相飛揚四蹄俯仰電掣影昂首似欲矜騰驤紛紛諸道正飛檄常恐著鞭後祖逖按圖倘索真驥來明朝騎爾去殺敵

沐西平侯祠

三百年專閭威稜鎮蠻疆開黔蜀外勳在鄂褒間濠上真龍起中原逐鹿還惟慎居地角下詔鸞天顏陸賈思降粵相如早出關忽傳誅漢使未可縱股頑問罪旗先卓從征甲盡擐將軍先士卒一怒關襟營鵝蚌方私圖猖獗敢濟姦投鞭斷昆水立馬小蒼山纓已賢王係師從絕塞班長城資鎖鑰故國謝刀鏃

昨土勳莊啟酬庸鐵券頒敦詩何蘊藉約法最寬閒歌聽銀箏  
好花看錦樹殷羣書儲祕府百貨走通關版遂金甌隸圖甯玉  
斧刪重臣心腹倚畫像鬢毛斑俎豆同諸葛檣楹構魯般祠官  
今不廢故老淚猶潛信史褒忠悃全家歷險艱君看呪水役先  
烈足追攀

春草

草長鶯飛三月時落紅滿地雨絲絲洲邊杜若騷人淚山上蘼  
蕪棄婦詞歸興似渠濃到底閒愁笑我亂如斯荃茅一例誰青  
眼好與春江拾翠期

腰鼓聲中鳩鳴池塘夢醒午窗明綠波有恨經年別白髮無  
情一夜生招隱欲隨張仲尉踏青誰弔柳耆卿王孫空抱天涯  
感寒食風光又賣餠

翠樓少婦倚琵琶，河畔青青嬾浣紗。十里晴光飛蛺蝶，一池淺水沒蝦蟆。簾前曉色迷珠絡，陌上香痕碾鈿車。一種閒情倍惆悵，卷菴綠徧玉鉤斜。

素馨花其名甚雅，吾鄉無之，每以不獲見爲憾。今來滇中徧地皆是，嗅之其氣臊，始笑所見不如所聞也。詩以嘲之。

漫道銀絲稱晚妝，竹枝麗句詠漁洋。從今參透鼻功德，不爲無香恨海棠。

走廠

滇人藉採礦爲生者曰走廠

廠有銅供鼓鑄，採自山衆匠赴礦，若旺被執素礦，忽衰婦無袴。礦之衰旺恃神護，持酒賽神神毋怒。礦神去鍋頭懼，一廠之中出資本者謂之鍋頭，礦神云係野族性畏官，凡守令官欲至廠觀隨者須徵行屏騎，從否則其神逸去礦卽衰矣。荒甲連綿。

課將誤

厥中多忌諱謂土爲荒石爲甲

礦神駐礦如故水洩無勞銅滿庫銅滿

庫亦可怖君不見銅山下鄧通墓

銅山已多事銀生乃有府

景東鴈蒙氏立爲銀生府

一夫專其利耽耽目如

虎石羊

銀殿名在南安州

金牛

在會澤縣

山峩峩上輸國賦歲幾何豪商大

賈肥馬馱紛紜揮霍醉且歌反乎覆蠻與觸攘臂而起鬪在屋

風吹戰場草肅肅

銀廠尙可金廠殺我金江之灣雜居猓蠻荒土不犁淘沙其間

吏虎而翼督課孔亟鴻驚而罄十戶九逃世無珠玉乃貴菽粟

世無羅紈布帛是安地若愛寶還我軒輶

### 三禽言

滯淚中久矣欲留則珠桂不給欲行則豺虎塞途萬里

因術委心任運而已因述禽言以寄慨



不如歸去入山深處，鵲同聲。汝呢。汝詛。汝垂其翼，謂汝驕倨。汝不濡味，謂汝饜飫。汝毋猶豫，不如歸去。

行不得也。哥哥江南江北，干戈千山萬水。則那猛虎爪牙是磨。魍魎畫伺人過，漫天風雪奈何行不得也。哥哥。

得過且過我。鳴子和桐花不生，鳳凰飢餓。居逢時鐘鼓受賀。雲霄匪仲樊籬，匪挫團團牛磨。得過且過。

雜咏羣花

風鬟霧鬢怯輕陰，羅襪珊珊步碧溥。洛浦愁生曹植賦，蓬山春漏。伯牙琴前身姑射，遊仙夢同調梅花。歲暮心斐，几湘瓷清供。好一叢綠玉辟塵簪。

水仙花

一桁藤苗藥半含，玉人纖手摘筠籃。佳名不稱貧家種，香氣微從靜夜參。滿把蒸成和露潔，臨風小啜勝茶甘。藥鑪丹鼎談黃。

白笑爾神仙尙近食

金銀花

小閣西風試捲簾珍珠么鳳翅纖纖花房夜搗霏香屑紺袖春  
生露玉尖讜語可知心性急守宮莫悞臂痕添相思入骨同紅  
豆一捻猩膏印粉奩

指甲花

茗華楚楚澹凝脂照眼銀階臥數枝涼意忽生秋水外泥人最  
在夕陽時素馨凡豔猶嫌俗抹麗狂香未是奇多少後庭瓊樹  
選月中羞見夜來姿

晚香玉

### 東星咳

子瞻不合宜歐九乃作鬧老鳳無凡聲聽者疑豺豹世路今險  
巖慎莫誇忠孝囊中感遇詩當作文塚窖張口但飲酒此是達  
人教張侯強項徒意氣頗騰越下堂琴不鳴職乃抱關效

君時奉檄

夜巡省垣譙樓鼓四搥風勁一燈爆荒郊戰壘多隱隱發機礮守啤

者誰子鶉衣兩臂罩擊柝聲不起雨立徧泥淖常恐度關人雞  
鳴夜偷歎反側警枕長安得寐無覺

雜鳥

梟鳥號不祥種類實可鄙聞聲衆唾隨羽族所不齒我居鄰荒  
圃灌木倚萬蟲有梟巢其間鷲子蒙密底夜半作鬼嘯聽者輒  
掩耳清晨聞叫喚羣童攬衣起綠樹探其巢一雛出懷裏瑟縮  
斂羽毛見首不見尾形形雙足拳睽睽兩目視鉤喙而銆爪兇  
狀已莫比呼童贖白錢丐汝命垂死縱之繞階除馴擾類柔雉  
飢或索食呼飽若刷翅俟有客掉闔來決眦忽覩此謂是鷓鴣  
儻奈何近宅里先王尙祓除桃弧與棘矢亟宜荒野投否則磔  
諸市主人捧腹笑君未究至埋妍醜無定形耳食競譽毀鳳可  
歛鴟當鸞且野鳥指鷓鴣媚語言雕籠寵自恃爰居有何功鐘

鼓享汰侈茲烏負惡名獨不怨謗嘗我嘗攷方言稱名雜難紀  
很虎與訓狐隨俗爲議擬或云貓頭鷹斯號肖形體方今鼠輩  
繁凡烏日靡靡搏擊汝有能觸邪學獬豸古來梟雄徒治世能  
臣耳再拜客出門驚風夕以駛回顧雜臬躄森森欲舉趾

疊前韻荅星陔和章

三月蛺蝶飛春意尙覺鬧杜鵑花始開聲聲啼謝豹墨經悞歸  
期有愧烏哺孝夜郎雖窮邊炎溫異雪窖所喜素心人晨夕接  
言教清談味盎然微風起舶越軀勞心則閒拙宦亦有效酒酣  
耳熱時鼻端出火爆險語忽驚人如以機激礮蹶躄下駒氣  
不服籠罩安得大力者掀我出於淖謝公洛下吟常願擁鼻敦  
何必問黃梁無夢乃大覺

暮春偕星陔朱小衡茂才小飲菜海之曹家館星陔以詩

見示再疊前韻走和

尋春九龍池聊避紅塵鬧勺水冒海名笑比管窺豹古來盛文  
讎兔園侈梁孝東帶侍貴人埋頭如在窻我輩肯酒徒疎關略  
禮教觥船恣拍浮踏歌兩足趨歡伯足忘憂奇方試屢效心花  
倏怒放有若爆竹爆愁城坐受降攻不須矢礮纈眼看庭芳朦  
朧宿霧罩雖則醉如泥清蓮出濁淖落日暎提壺禽言童戲  
何當眠酒家雞唱夢未覺

附星咳作

春晚綠陰稠滿園蜂蝶鬧走訪幽人居敲門驚雀豹青衫  
我忘貧素鞵君持孝相攜入酒壺遠聞香出窻南隣朱山  
人文章得師教翩然不速來捷若鸚鵡趨登筵衣帶緩列  
坐錯腳效雙奚擊偏提行廚溼薪爆缸面臨清池飛花雜

箭破山翠湧窗紗隱見暝煙罩只恐醉顏然眼花落井淖  
歸路相依倚形影蛩駝數分手各還家一眠不知覺

### 寒食

衝泥訪客黃桑屐被酒尋詩白練裘關塞蕭條又寒食江山代  
謝幾斜曛花經落後纔依草鳥不飛時總嚮雲遙憶故園豺虎  
亂紙錢何處掛邱墳

### 罌粟花

滇中直呼爲芙蓉連畦盈畝與菽麥錯雜而種春夏之  
交收其漿爲鴉片

種花密似菜畦勻臨水柴門別有春喚作芙蓉原絕豔分來囊  
粟可醫貧三農生計居奇貨一疏當年起戰塵莫厭田家舊風  
味兔葵燕麥接比隣

不信

不信鴻毛能萬里，斷無馬骨值千金。先生休矣莫彈鋏，好友邀之同入林。文字難將窮鬼送，命宮應有酒星臨。幾年滄海橫身過，何日田園負手吟。

題富陽相國畫墨菊

疎筠瘦石菊斑斑，寫自螭頭散直還。晚節香分韓相圃，清風逸

接富春山。同時學術優彭紀，仁廟初年值 蕭任綸原。上曰特命文恭爲 小款丰姿媿柳顏。惆悵貞元朝士盡，飄零翰墨

在人間

糴米謠

四郊屯戍齊負戈，炊煙滷起萬竈多。官倉粟匱起攤派，坐此城野窮搜糴。滇中山國乏轉漕，惟恃肩負兼馬馱。小市爭米相譏

訶米價湧似瀾滄波去年斗米錢三百今年斗米千錢過貧家  
麥飯無一籬糝糠拉雜山蕓和今夏五月雨滂沱窪田已沒青  
青禾歲之豐儉難揣摩萬夫指口呼荷荷一朝緩急當奈何

題仇十洲畫素面朝天圖

蓬萊宮闕花冥冥柳梢斜掛三五星銅鋪屈成曉啟扇虢國走  
馬朝宮延平頭奴子職埽廳紅燈簇引光流熒白髮阿監僂僂  
形熏鑪高捧龍腦馨女官結束長眉青開顏發豔皆妙齡三姨  
玉面腰娉婷紅蓮羞落秋水淨香檯憂鐙聲瓏玲按鸞穩坐如  
雲軒君王昨醉沈香亭流蘇羽帳夢未醒早朝勅罷鞭呼停丞  
相歸臥威息靈力士傳報開畫屏入門下馬趨後庭後庭眾女  
避尹邢玉環初起纈眼惺妮妮私語誰得聽曲江三月花滿汀  
相約出游揚彩舫五鬢絡繹馱酒瓶遺鈿夾道珠翠零樂哉斯



游古未經祿兒洗後溝水腥海棠墮地隨飄萍霓裳曲斷譜淋  
鈴戚里寥落煙雨暝玳梁燕泥駮犀釘美人陶土埋碧嶺神山  
縹緲懸滄溟五雲樓閣朱鳥櫺月姊不見影伶仃淚痕束竹愁  
湘靈

巖樓上人結社西山其幼時受度師某尙住城中時來省

視印過余茶話賦贈

巖樓常在巖時亦城市過一領水田衣流塵不能浣所重在師  
恩竭來問起臥佛法大近情慧眼孰覷破

題冷協律敬敬畫山水

先生跳入壺公壺以壺爲室仍可呼至尊碎壺壺公走壺中九  
華落在手脫手化作千芙蓉雲樹雜沓青濛濛中有一人坐蒼  
翠得無自寫仙家風圓皴攢點墨黯澹倪黃巨董無此工敬敬  
畫學

小李將軍先生與我同鄉里一簇樓臺煙雨裏黃鶴飛去五百年當

時兒視趙承旨

先生與趙子昂最契至元末已百餘歲入明爲協律郎

九州擾擾多戎機

今我不樂思故扉臣胡啼飢一囊俸買山無錢且吟弄終日臥

游圖畫間不乞盧生祠下夢

冷仙祠在吾禾郡城內元妙觀祈夢最靈

王紫卿茂才

景義

有春草詩予最愛其東風吹汝偏爲力

巨石當前亦怒生之句詩以贈之

我愛王摩詰工詩不厭貧可憐春草句誰識苦吟身江左崔黃

葉

崔不

吳興沈白蘋

沈三

何當圖主客寄與故鄉人

讀寒支集感賦

寒支和尚俗姓李名世熊閩之甯化人明季諸生黃石

齋先生高弟也因避亂寄跡于禪又號寒知

牛角江山感慨多飄零記室阻干戈上書北闕行休矣

石齋先生提孤

軍出關時曾上書力諫痛哭西臺奈若何閉戶自稱木居士入山老作鐵

頭陀歲寒松柏青青在飽齧風霜氣不磨

紛紛擁戴笑纖兒半壁空爭敗局棋鬻隼並棲忘遠舉寒支辭石齋表

薦書云今冠蓋風靡且青螳蟬相妒起同枝時魯藩起浙唐藩夕紫鳳鸞鵝隼共倒現玕

空陳杜牧三篇策誰議文山四鎮師唱罷人間可哀曲慢亭日

暮淚連絲

排難何無魯仲連集有排難序傷時無女蘿山鬼慘呼天爲傷

狗馬淪名實集有狗馬忠義傳又豈戀蜉蝣遁佛仙寒支究心

非本志也古調今成廣陵散遺民尙溯義熙年分明柱下千秋史莫

道猶龍姓未傳

雪湖道隱兩禪門曾哭江陵老子孫張江陵孫同做號別山以

雪湖道隱二振臂同君蹈東海傷心失策弔中原蝨魚食字終

師經紀其喪

甘死杜宇啼春尙有魂白帽功名今齒冷銅駝荆棘不堪論

星咳言古今詩集中咏甘蔗者甚少戲拈一律

都蔗千竿劃塹栽溶溶崖蜜作胚胎獨于晚節饒佳境縱是旁

生異散材皮相何勞重青紫南中甘蔗以青皮爲上紫皮次之味甘須識佐鹽

梅傾肝瀝膽憑君用霜性原從百鍊來

蘭花

梅與蘭品相埒也獨古來咏梅者連篇累牘有刺刺不休至百首者蘭自離騷外古今殊少專咏豈以蘭之風韻清絕非語言文字所能傳耶不揣謏陋輒賦六章惜無騷情不足爲空谷美人寫照耳

岡頭叢芮太縱橫突見幽花眼倍明十步之間容崛起三閭而後少眞評占來香國原初祖住慣空山不世情悔向郎官通一

握無端物色徧春城

用漢尚書  
郎握蘭事

花事何須九畹饒一枝斜茁見丰標獨無媚骨當桃李敢以貞

心傲艾蕭汜汜光風生別墅娟娟清露被殘宵虎頭不是蘭林

種肥婢居然學細腰

漢中有虎頭蘭  
花肥大而無香

一笑招回楚客魂香風吹過了無痕不逢人處全芳躅縱出山

來帶宿根我相能忘真入室世情多忌莫當門宓妃翳袖蘅皋

上秋菊春蘭漫並論

萬本擔來十字街偶分清供到書齋沅湘別後能無夢子弟如

斯政自佳不惜兼金買翹楚要從隔歲護根荻品花亦是素心

好晨夕常思勝友偕

魚魴燕尾費平章高格由來色相忘初見蒙茸疑小草一逢傾

吐識孤芳騷人總帶山林氣靜女從無時世妝卻笑乘蘭潦洧

上年年三月祓除忙

煮梅氣候雜晴陰  
舊操重吟試鼓琴  
堂上潔馨游子淚  
天涯遲暮美人心  
荆榛處處憑相附  
螻蟻時時懼見侵  
苦憶山陰亭畔酒  
羣賢臭味契苔岑

小飲菜海子曹家館

菜甲連畦結榷籬  
游人三月賭春嬉  
小橋流水斜陽外  
風颺簷花點酒旗

故里倪寬此駐車  
後來鄉夢述京華  
繪圖曾進

南薰殿不比尋常賣酒家

前輩倪竹泉先生曾繪圖進呈睿廟

灣頭銷夏芰荷風  
一舸輕搖唱鬧紅  
好是晚涼波穀動  
坐看洗

馬柳陰中

館西爲洗馬河

小盞香螺餚不如嫩芹新  
韭摘園蔬年時記放西湖棹  
宋嫂魚

莫五柳居

館以螺  
蟻馳名

閒居

縱居城市亦林間  
舊雨無多儘日閒  
把酒祇邀天上月  
得錢先買畫中山  
欲歸故里無舟楫  
亟盼官軍定觸蠻  
容得阮生耽嘯傲  
諸公才足濟時艱

小匏庵詩存卷第四

嘉興 吳仰賢 牧騶

熊仲山觀察

家彥

以苦雨詩見示次韻奉和

雨腳如麻雙眼昏，蕭奴送詩來打門。雨能催詩詩苦，雨頭觸天  
關呼與論。滇池老蛟吐腥沫，墨雲忽把千山吞。蟻龍游田禾生  
耳野老乏食，搜草根。雨師食多盍雨粟，突見露積高籬藩。妖星  
睽睽射西北，朔日光黝扶桑暎。時慧星見六月朔日食羣疑未信遇雨吉，  
我將發笑問虞初。

喜晴疊前韻呈仲翁索和

雙鳩呪雨啼黃昏，星斗炯炯掛柴門。礎吻忽渴燈燄直，占晴預  
向昨夜論。金鴉曉破溼雲出，翅翻未健相吐吞。繁香失喜坼花  
蓋，殘滴隨意流樹根。烏衣風暖補高壘，槐安水退分新藩。諸公



潔誠禱有應城闔不待晝紅暎慎俗求晴晝日黃絲襖出樂莫  
樂日車信有壯士翻

暫晴仍雨仲翁復有作再疊前韻奉和

王母觴罷醉睡昏青烏寂寂高洞門東方小兒弄狡獪衛官濟  
虐不可論昨日火龍偶戰勝張口勢欲雲夢吞囚之崑崙沃厥  
嵌雷電颺發來無根黑螭跳躍鷓鴣舞闖入水府抉其藩九潦  
丈人涕以泗魯陽無術回曦曦排闥欲喚王母起安得晝下雲  
旗翻

送仲翁赴三井督理鹽務仍疊前韻

黑猱西擾煙塵昏蜂屯蟻附由花門滇省度支在三井鹽筴樵  
算須討論楚弓得失付談笑趙幟起倒互併吞萬軍枵腹盼轉  
訕欲除弊事先本根歷年鹽井屢被賊據忽回忽夷官軍楚姚  
克之復被兵佔以謀抵餉官不能問楚姚

地勢扼六詔西南門戶資屏藩國人望君如望歲待扶雲霧導  
晨轍漢家桓寬足經濟誰疑鹽井不可翻

榮海子看荷花

游人爭逐柳陰來水佩風裳巧剪裁不是梅花夢京國頻年也  
傍戰塵開

花開十畝隔東西翠蓋搖風萬柄齊池上沙痕荒草長無人知

是相公隄

阮相國督滇黔日曾于池畔築墩隄今俱湮沒矣

微波平檻繞僧房侵曉鉤簾風露香零落捎溝水金鳳羣蛙唱

月坐魚牀

水金鳳雜生溝旁葉以鳳仙花如秋海棠

菰葉尖尖荷葉圓天涯回首各烽煙與卿同作江南夢腸斷尊

前唱採蓮

憶家

小匏庵詩存卷四

三載斷書札故鄉亦苦兵中年兒女意絕塞鼓聲飢饉憂羣盜關山愁獨行狂歌訴明月薄宦誤歸耕

辛酉七夕

又見星河鵲影高誰家庭院撥檀槽秋孃乞得天孫巧歲歲穿鍼補戰袍

田園何處問鄉關羨爾黃姑一味閒我欲乞郎牛背坐月明吹笛送還山

偶于滇城之福照街常賣家市得一古劔按考工記桃氏所爲中制中士所服證以程瑤田通藝錄所載四劔張芑堂金石契所載一劔尺寸制度俱符定爲周劔作詩紀之

骨董坊開畢良史狗枷犢鼻紛紛是談秦說漢總模糊况溯周

官問桃氏豈知劍氣耿不磨青萍光燭苔花紫神物入手千摩  
抄古器應偕彝鼎峙臘廣兩寸殺兩旁莖容一扶羸一指荆棘  
中纏扼吭如鐔首上空覆孟似劍身之長四其莖制度參詳合  
中士穹脊棱起鋒鏑藏斑斕五色交文綺我聞古人佩劍森威  
儀澤宮習射兼奏技豈若今人抱一經日註蟲魚守故紙赤眉  
黃巾沸海起手無寸鐵斫不死莫邪鏽缺同鉛刀助君安得荆  
軻七長兵利長豸虎驚古劍雖古侏儒比封侯食肉汝相無  
伴吾家管城子

錢武肅王鐵券歌

怒賜屬鏤喜賜券千古功臣判恩怨是非不及青史真鐵筆森  
嚴只三寸偉哉吳越異姓王撫十四州保餘杭堂堂開門節度  
使遙奉朝請誅董昌乾甯四載賜勞問冊端金字何輝煌上敘

勛伐比孔鄧下誓帶礪光旂常卿恕九死子孫三讀之肝膽俱  
飛揚是時唐家厄陽九跋扈朱三起小醜朝廷猛將李鷗兒力  
侔勢屈亦拱手勅使縱有張繼元宰相其如鄭歇後天子既知  
臣鏐賢胡不召取作畱守周勃厚重呂氏平謝安鎮靜桓溫走  
靈武中興或庶幾功成返鎮符重剖鞭長可及但牢籠此錯鑄  
成誰執咎豈知天意哀東南錦樹移作甘棠甘五季狼虎恣啖  
食此邦士女歌舞酣自從開疆到納土八十六載聲教覃券誌  
一二遺八九穹碑在觀義可參吁嗟乎碑有時而泐券有時而  
蝕錢王之功忘不得

為黃矩卿少司馬題畫二首

雪樓圖

君不見邛坂九折不可上漢家刺史益州長前有王陽後王尊

迴車叱馭不相仿，獨行照耀青史中。  
大賢繼起忠孝同，鋒車千里播文教。  
彩服一夕辭。

帝宮

先皇御宇重孝治，優詔下許乘歸。馳溷南亦富山水窟，雪泥

尚憶三秋鴻。秦棧遙連蜀棧起，舊游歷歷披圖是。雪花如掌迎

馬頭，散關斜谷空濛裏。松林楓葉何蕭蕭，駢網絡繹聲不羈。紅

油衫子，鼯鼠帽攢蹄踏碎。千瓊瑤古錦囊盛蜀游草。中公督學蜀中，所刊吟

稿白雪高唱驚巴謠，錢塘學士妙毫素。畫罷題詩三絕具，黃巾

忽擾鄭公鄉。恨碧空悲朱鳥，嗟圖為醉士先生所畫庚申二

六橋煙水今非故。攜李樓臺起妖霧，我獨胡爲異鄉住。短衣適

骭三尺布，行將爾足荒山路。直過使君舊行處，長鏡斲雪度歲

暮

越秀山望海圖

道光丁酉公典  
試粵東作此圖

羊城山水天下獨使君遨遊看不足振衣直上越秀峰海上神  
山駕鼇六濤頭澎湃羣靈趨眼底珠江一杯縮九月霜高天氣  
肅試院連宵茶乳熟 聖代右文遣詞曹不比韓蘇過嶺麓是  
時海宇逢清平印度諸邦極荒服就中紅毛稱最強大舶千檣  
競取鬻髓錯發難一紙陳短狐含沙晝飛鏃粵關迤邐連吳淞  
漏脯公然肆耽毒二十年來驚鼓鼙此輩乘機崇心腹鯨鯢偃  
蹇臥榻旁丁字沾前烏啄屋

天子近在甘泉宮橫海將軍望楊僕樓船習戰昆明池餓虎慎  
勿投以肉往者粵寇方內訌賢書停獻軍書促近聞 下詔試  
秋律飛來黃鶴陂當復安得砥柱迴狂瀾萬戶春耕買牛犢尉  
佗稽首劉鋹平酌酒重歌望海曲

四憎詩

本是蒼頭耳華堂逐隊來性情同熱客身命託寒灰黑白偏能混丹青易見猜壁間饑虎在慎莫戀殘盃

蠅

利口誰如汝翻飛總不高輕生博膏血伺隙到毫毛力豈山能負聲嫌市聚嘈蝶螟細已甚強欲附翔

蝨

趨趨渺何物無端擾睡鄉防身真鮑酒礪吻太鷗張阜帽形難覓緇塵跡易藏西堂畱檄在肯貸爾跳梁

蚤

笑爾琵琶抱無聲輒暗投貧緣附心腹痛癢鬱眉頭久匿步兵袴長游晏子裘飽嬉應戀主質庫此生休

蝨

再爲矩翁題畫二首

采蘭藝菊圖

道光戊申公以少司馬乞養歸作此圖

龍飛歲在戊

帝治光垂裳航航少司馬南省勤贊襄中樞靜



無事朝野多樂康白雲望親舍鞭轡轉中腸豈不戀 魏闕豈  
不樂 帝鄉三徑未敢念永念在高堂袖中陳情疏字字何敷  
昂一夕三薰沐搢笏奏明光臣身委 陛下臣有親老蒼伏惟  
廣孝治慰此倚閭望惻怛動左右百僚爲傍徨 帝曰汝往哉  
其侍汝親旁退朝理歸策眉色俱飛揚馬後書幾篋馬前琴一  
囊九門詆蕩蕩日出雙鳳翔上自公孤貴下逮弟子行祖帳遠  
走送冠蓋相頽頽朝辭蘆溝水夕夢碧雞陽萬里何迢迢迢迢  
隔嶺岡思親道有作可補南陔章歸來展庭疇歡笑千萬場奇  
珍出 天賜羅列八尺牀 封誥五色字雲彩增輝煌大婦潔  
羞膳穉孫奉酒漿菊以制頽齡蘭以發飴香二老顧之喜時復  
進一觴挑燈話舊事舊事誠難忘昔年泥金報無此歡興長隣  
叟窺牆頭語雜不可詳但羨萊衣舞不知官侍郎羅舍與陶潛

隱逸焉足方圖爲 熙朝瑞春暉樂未央

大通秋泛圖

小車上掛帆三尺

北道上小車遇風順則張帆以助推挽

小舟斜挽驢兩頭水陸

出奇法互用風景不與江南侔

帝京大道多酒樓酌酒顧曲

樓上謳先生拂衣舍之去休沐獨選城東游大通橋下河水流

八月風起蘆花秋瀛洲舊侶忘主客摒擋袍笏搯茗甌城中此

樂知者少一笑呼語沙中鷗 國初諸老盛觴詠益都聲望馳

九州萬柳堂前歲修禊詞科羣彥鸞鳳儔河邊花驄亦屢繫田

郎點筆長卷留前輩風流久閱寂鐵門歌館徒啁啾百餘年後

續勝會先生興寄山水幽一篇序儷蘭亭筆文彩鬚珊瑚鉤

我聞通惠河開利挽運 天庾粟米百萬收置臣近歲改航海

飛渡不煩勞督郵一朝東南窟狐鼠金縉況索島上酋司農仰

屋度支缺三軍欲唱量沙籌風景猶昔世事變俯仰陳迹同浮  
漚謝公東山縱堅臥開卷應爲蒼生憂

晚霽五華山遠眺

野色上衣帶平陂立晚風寒鴉山郭外瘦馬柳陰中亂水明殘  
照平蕪接斷虹夕烽猶未歇憑弔故王宮

文宗顯皇帝挽辭三章

冠禮三加後謳歌四海初春風長樂樹乙夜考亭書卽位初選翰林中善書者以小楷繕鈔朱子全書成帙以供乙覽政本先宮府軍需問積儲宵衣十一載

軒夢感華胥

舞蹈羣臣頌瓊衡七政明九重卻符瑞一意痛蒼生欽天監奏初一日月合璧五星聯珠帝勅卽此王言大能教海宇清喘不必宣付史館以示尙實不尙文

呼天道遠未覩中興成

睿廟升遐日甘泉避暑年如何鼎湖淚復灑木蘭天秋獮非游  
豫遺謀望贊宣東南烽火息告慰几筵前

送星咳再任江川

亂後人求舊安危仗此行十年仍薄宦百戰有孤城跋浪江魚  
上攔街竹馬迎軍租催火急何以慰蒼生  
此地強隣逼頻年戰守窮權輕儒吏賤俗悍健兒雄吾道甯芻  
狗荒郊徧澤鴻故人妙爲政早晚寄詩筒

贈劉秀才

中鶴文山  
人善卜

劉子文山秀譚經偶向歆生涯碧鏤管秘訣火珠林烽燧恆沙  
劫江湖歲暮心行藏問詹尹歸思託吳吟

松竹老人歌爲黃

肖蘭作

黃九皋字松巢號菊裳浙江仁和人乾隆末官緬甸巡

檢以畫松竹得名滇人甚重之自號松竹老人肖蘭其

孫也

黃子善畫出清門自云是松竹老人之孫晨起示我一丈紙開  
看但見颯颯煙雲痕老人畫松兼畫竹萬箇簷窗倚空谷老人  
畫竹如畫松疎節直幹走虬龍碧雲暮合蔭千畝濃淡枯腴無  
不有奇石結磴高駁賦清流迴湍帶左右枕流漱石三兩家住  
者得非釣魚叟老人畫罷偶出山一官墮落朱波蠻胸中槎枒  
吐不得倔強乃居丞尉間曹霸丹青棄俗眼古來遇台才士慳  
老人之子亦善畫更得諸孫衍其派聰明心孔各有得慘澹經  
營見者怪我觀此圖起推敲如見老人解衣磅礴長筆捎作歌  
聊補畫史闕老人者誰黃九皋

碧曉里謁楊升庵先生祠

關下湖波翠接天老顛此地駐吟鞭屈平知己惟山鬼陶峴前身是水仙栗主有靈逃劫火芳鄰無恙識鄉賢

祠後附祀吾鄉錢恬齋方伯

永陵松柏今蕭瑟遷客遺祠照蜀滇

新都亦有先生祠

### 負郭

負郭野人居躬耕樂有餘陂塘呼水鴨籬落飯花豬載酒春迎社擔囊遠趁墟咄哉牖下叟老守兔園書

### 書近事

青參短簿盡彈冠捷徑無如幕府官挾瑟吹竽爲上客也應笑煞董庭蘭

荆棘千邨亂似絲催科撫字兩何施三年報最無他術善事孫郎帳下兒

### 寄星咳

不復流觴取次飛腰圍愁減幾分肥別來一月君佳否聞道中原事益非渺渺關河鴉點亂冥冥江樹鴈羣稀青鞵布破吾游倦閉戶徒慙未拂衣

襟感

誰勸蒼梧駕追思恨未窮已聞誅竇憲尙待縛樊崇旭日輝三殿慈雲護

兩宮紀元含頌意

續緒

孝陵同

防海今無策和戎古有謀氏羌終徒內甌駱亦同舟夜火津門市長帆潞水秋須令懷漢德不敢薄神州

鼓鑄通新法仍聞子母權鴉翎兼有鈔鵝眼不成錢問價愁鹽

米搜材到鐵鉛五銖如可復卽是中興

聞道股肱郡猶多戰鬥場鼓鼙驚夾谷烽燧照清漳勅勅寫廬

衆渾邪異姓王饒歌歸奏凱早晚覲明光

憎馬五花文鉅鉞鐵戰褻屢頒紫泥詔新領白團軍飛挽商

車算更番近地耘但教識忠孝勝旅足如雲

天子思飛將虛心訪六韜築壇待韓信啟事問山濤跡弛歸能

馭騰驤謝爾曹寄言操策者慎莫相皮毛

武爵旌功日貲郎入署時

先皇頻愼惜國計有權宜躁進防猱木承流備繭絲三途原並

用只在鑑妍媸

佛狸過瓜步江上晚蕭蕭造物憎豪俗織兒戲昨宵殘兵餘北

府劫火煽南朝引領曾司馬官軍下九霄



一灑皋亭淚吳山賊騎嘶紛探丸赤白直徧浙東西鴟鳥啼

行殿鶯花沒故隄傷心庾開府南望總含淒

海上一丸地避兵喧渡航可憐羅刹國認作鄭公鄉估客葺城

樂潮聲浦激長漏舟偏痛飲檀板擁珠孃江浙諸富室避亂者多依上海夷場徹夜

笙歌樂而忘返危機也

樂土是何地秦乎與晉乎揚舲汾水上走馬渭城隅屏障回西

顧河山拱上都安危資重鎮勿使困征輸

登高望炎海臣叔近何如風雨仍籌筆艱難少定居弟兄官舍

燭戎馬隔年書知念阿咸久林間竹影疎時從叔少邨公以廣州守帶兵防剿余兄弟輩亦避

亂寓粵

黔蜀頻年擾滇中乞少安釁由同室鬪恩是受降寬樂歲仍

荒土專城亦冷官尙多惡年少跋扈據雕鞍

百戰荆襄地終令蟻賊摧始知再造烈端仗濟時才

謂胡中餘丞林翼餘

力江州遠先聲皖水來胡銓已終古勤事實堪哀  
沈思少也賤未覺在家貧樽酒文章友江湖被禊辰昔年歡會  
地今日亂離身去去返初服扁舟理釣緝

趙芝山參戎招飲陔樓

暇日逢嘉招薄游踐勝境鋪席酒樓深縹馬柳隄靜華薄交參  
差了了隔城嶺雨腳西北垂迫此崦嵫景元雲觸石暝白鳥點  
波炯良苗方懷新望澤盈萬井未愁歸路滑且喜暑炎屏累觴  
不復辭何妨夜燭秉

湛溪先生來問近況以久不得余書札爲疑仍疊前韻奉  
酬兼謝普洱茶之賜

功名放手等搏沙人海虛舟住卽涯率土未全歸北極此生曾

悔讀南華愁中粟里陶潛酒夢裏羌邨杜甫家早識草廬書帶  
好河陽失計學栽花

踏海思尋魯仲連龍蛇格鬪又經年傷心莫問江南事望眼常  
懸北斗前舉世滔滔誰砥柱投時袞袞足英賢白鷗不是雲霄  
鴈嬾惰無書寄塞邊

扣角聲中長夜漫春來黍谷漸消寒西雄羅鳳猶稱詔南下盧  
循已拜官時杜逆尚據大理省垣撫局初定坐情流光雙鳥去力回元氣萬牛

難十年滇海干戈滿贏得蒼生席少安

普澤橋南近若何遙知奏凱競饒歌三邊次第戈須止千里傳  
聞信易訛賈父性情原愷悌稽生事業太蹉跎應憐酒渴無人  
問頒到龍團百片多

題黃梅谷太守

培林

迷津返棹圖

牂牁江水渺愁余，鼙鼓聲驚六載餘。  
多少流亡歸未得，期君來作指南車。

我亦思耕湖上田，六橋回首隔烽煙。  
春來猶作歸帆夢，手刺吳江赤馬船。

憤亂

誰遣黃巾徧揭竿，漢家封拜足高官。  
江河一決流長下，歌哭皆非事大難。  
縱酒直須千日醉，託身不信九州寬。  
聞雞起舞生平志，未識中原有謝安。

郊行

時赴筵  
東道任

亂定方增痛，郊原落照初。  
青山新戰骨，赤土舊郵居。  
候吏操饘藜，荒郵棄簡書。  
更無雞報曉，頻問夜何如。

懷星咳

久聚不知樂別來今始憐豺狼官道雜風雨暮秋連漂轉愁他  
日飛揚失少年何緣一尊酒重醉五華前

崇孝庵

明儲福無錫人燕山戍卒以孝稱靖難兵起福以戍卒  
當從與其母韓妻范亡去帝怒徙戍極邊曲靖福憤  
不食死於道其妻奉姑崎嶇至曲靖侍奉甚謹一日見  
澗邊草類蘇織席以奉姑姑卒後草遂不生土人義之  
葺其居爲庵按此事劉戡山先生人譜中亦載但不言  
在戍所今閱曲靖府志得之

恤緯孤衷泣孝陵清風邊塞至今稱叔欺孱姪君安在婦棄慈  
姑妾未能早誓頭顱行萬里直將心骨鬪層冰一庵千古燕山  
卒媿煞江南不了僧

謂道衍

戲作石婆婆歌

在曲靖府城南三里許不知  
所自春秋二仲遣官致祭

石婆婆吾語汝汝來自何年產自何所豈命山啟母之後身抑  
秦婦入蜀而失侶或疑昆明池中之織女又疑是太白夢游之  
天姥我嘗從西湖上親見石新婦叶又嘗東走泰山丈人峯高  
小齊魯想在混沌之初一家眷屬本團聚汝今何爲塊然獨步  
在邊土山花插髻草沒股六詔挺竿鬪庭戶狼煙東蔓摩彌部  
蝮蛇礪牙虎傅羽鬼妾鬼馬天陰睹山魃躡空中舞猩猩嘻  
笑狒狒怒又聞干邨萬落縱一炬旁連琳宮及紺宇桃梗土偶  
漂無主金人丈六莊嚴軀喉春以戈臂斫斧紅鑪熾炭付九府  
惟汝頑石不受侮汝何不學昭陵之石馬勅遣六丁助戰鼓又  
何不學鬱林之石牛調和風雨拯環堵補天之手愛莫能舉年  
年歲歲以祈稔黍穀城陳倉禋祀同米顛袍笏躬拜俯哀我東

人丁瘠苦家無瓶甌身無縷雞豚悉索到雀鼠那有社錢薦酒  
脯石婆婆吾語汝石不能言淚如雨

閱明季南都野史

轟然四鎮佩兵符半壁江山寸莛扶福鹿酒忘原廟痛蝦蟆勅  
給後宮娛自憐頭頸陷燭好誰識心肝叔寶無一夢槐安眞草  
草東南王氣盡蕪湖

曉行

十里山程交水光招提樹色隱蒼蒼曉鐘一杵棲鴉噪露氣未  
收松柏香

秋霖歎

雨淫淫泥滑滑馬蹄十陷九難拔行人躑躅頭裹帕馬愁倒人  
愁盜欲行不行心嗟悼天寒日暮狐狸嘯

買馬草雨多馬草入城少廩吏擲錢出遮道南邨鸞兒身無襦  
豪家不肯收爲奴歸來飢餓啖草苴草又枯張口吁乃知人賤  
草不如廩中馬自食薪芻

丈夫征戰死屋中有老婦瘠田一壩忍死守秋來半化租與莠  
水深割不得飢鳥復來食驅鳥上樹向夜號北風捲汝屋上茅

壬戌九日

七度重陽酒都非在故鄉時因別家久不敢倚樓望風雨歲將  
老弟兄天一方閉門還獨酌愁對菊花黃

劉宋甯州刺史爨龍顏碑在陸涼州貞元堡

韓陵片石不可見六朝碑版多塵埋關中石碣富唐刻螿置洞  
室雙門闕龜趺剝落剝科白屢鼎雜進同優俳刀削釵剔淺深  
異棗木傳刻肥瘦乖俗工椎搨失古法楮墨濃刷堆在階駱駝



捆載走南北列肆攤賣長安街蠻荒瘴雨浴百寶秘蹟往往窺  
羲媧龍都上將印都侯軺車越斧腰箭收獨步南境關兩爨撲  
碎凶豎驅虺豺大明二載歲戊戌穹碑紀烈垂蒼崖寄奴攘鼎  
起江左數傳弱類晉惠懷佛狸飲馬到瓜步張永一戰去兩淮  
蕭公方踞殿上虎李兒早易宮中娃豈意蠻長奉朝請頒朔尙  
踰天南涯貞元堡前讀遺碣棘絲藤刺穿芒屨字體詭謫雜分  
繇欲攀元常追伯喈牧童踏塚牛礪角遺火幸未燔薪黠歐趙  
嗜古限轍跡搜拾蠶蛤遺珍鮭有客贈我三丈縑晴窗展玩開  
茅齋慕肥蛇瘦鬪坡谷俗學未許恣詼諧儀徵相國昔開府蒐  
討時與文士偕手搨干本祕行篋寶此何啻珍珠牌漢人久奉  
右軍聖此亦亞聖誰與儕元史言漢中祀聖人惜哉書丹漏姓氏華  
陽真逸存疑皆都中宇學尙官樣虞戈柳腳摹形骸斯邈八體

久寂寞誰辨漏痕兼折釵安得移碑置太學時與石鼓同摩揩  
何以侑之成兩絕太亨四年碑亦佳

晉振威將軍建甯太守爨寶子碑

碑在曲靖城南七十里揚旗田今移置城中武侯祠按  
晉安帝元興元年壬寅改元太亨次年仍稱元興二年  
乙巳改義熙碑云太亨四年乙巳是不知太亨年號改  
而未行故遵用之耳

姓氏陽秋略荒碑久寂寥土花銅鼓蝕劫火券臺銷廡宇分諸  
葛文章啟六朝應輸寶漿叟飽看厯昕宵

碑出土初無人識豆  
腐肆中取以歷牀

馬龍行

刺總兵何有係也時鄧中丞爾恆以滇藩開府關中由  
滇啟節道出曲靖有係家馬龍先劫其行李復遣悍黨

小雅房言不卷四  
賊公於行館居久之其黨惡其專利而虐也乘間刺殺  
有係於牀並其妻死焉馬龍大亂適回酋某擁衆過境  
盡掠其資而去

男兒要作健勇鬪國所需少年莫作惡橫行天所誅馬龍古蠻  
部道里何鬱紆亂山夾分水箐黑藏豺獮誰家銳頭兒雕面頗  
有鬚自稱曰將軍氣性乖以愚少小繇兵籍盪決敵百夫便矜  
好身手躍坐生馬駒奪稍狹路舞倚槍峻坂趨積助至偏裨從  
征蒼山隅蒼山十九峯綿互瞰郡郭列營周原野吹角聲嗚嗚  
一朝挂彈簡失意李輕車尺組將見縛白刃擬汝驅跳身走間  
道前望行省驅行省在何許重圍徧萑苻糧絕盼外援飢卒城  
上呼內外一相應摧敵若拉枯開城賀壯士觀者塞路衢大府  
賜顏色手酒勞辛劬白粲與青芻黃金間明珠賞犒累千萬椎

牛宰羊豬尺一露布文上功告

帝都

詔下貸前死策勛勉後圖轉戰三四載

恩寵軍中無影纓飾翠羽高冠耀珊瑚腰懸總戎印衣錦還里  
閭里中同舍兒嘈嘈獻佞諛大吏通問好小吏避道塗夜郎坐  
自大殺人以為娛鞭撻到甯越撈掠及茫睢殺戮中丞公車前  
擁八駟移滇撫三秦露冕佩瓊琚取道白石江駐節太守衙黃  
塵跣跋起旭日忽西徂醜扇搆黑白斧舌亂紫朱同舟變敵國  
飛双交華裾吁嗟節度使橫屍枕圭竊含殮無貝玉瑩獨惟妻  
孥官吏不敢問主名付莫須朝端懸明鏡迅霆責丹書國事  
日大難且復忍須臾今

皇踐阼始東南盟不渝蠻觸已息鬪行賈居者鋤將軍喜且舞

捲甲歸舊居連塵起甲第雕刻施構榭倉中饒紅粟庫中積青  
扶箱奩六七十紅羅繡袂襦肥馬充後廢鮭珍滿中廚華堂鋪  
氈氍兩廂沸笙竽偃仰起日午歡笑召酒徒門外舊吏卒不得  
稍沾濡遂令腹心輩反噬礪爪牙穴鼻始成魄閏八月之初雞  
聲雜梟鳴鬼燈影綺疏讐人挾利刃緣桃窮高樓直前堪其胸  
夢嘆強支吾餘者挺矛進血流頂跌蹣跚登徒妻驚起捫戶  
樞鋒鏑交雜沓併命仆庭除豪客來何方從人三百餘坐收漁  
翁利闢門發所儲重馬困馱載絡繹出城闔伏屍棄不顧守哭  
無孤雛昨日呵街走行者目睚盱今日駢體臥隣里空歛歔生  
爲萬夫雄死爲衆鬼奴作歌告惡少天道復何如

秋老

秋老百蟲寂空庭北斗高月華圓夜色木葉下城濠客久通蠻

語官閒類馬曹家書三載隔誰與寄緜袍

粵匪寇平彝宣威經官軍擊退詩以誌喜

社鼓方秋賽軍烽又夜然忽愁征繕急已報凱歌旋勞苦兵農  
台窮荒盜賊憐江南頻有

詔解甲許歸田

窮陰

窮陰亂昏日景光忽在再凝雲澀不流疎星漏數點落葉翔回  
颺懸燈耿斜燄城頭鼓紉如分明落枕簟

火盃

何年夔頡候下領酒泉郡賜火出官廚星星吐碧暈尙疑翠醕  
烹那愁青玉壘咄嗟氣蓬蓬何必豆粥問

火硯

石友硜硜然性不因人熱歲暮勤菑畝火耕計非拙投饋老中  
書湯沐旦夕設縱無食肉相親炙亦可悅

咏雪用東坡韻

一夕空林被縞纒爛銀世界倍清嚴遙憐征士歌黃竹時出師  
臨安  
誤認他山號白鹽策蹇尋詩來古驛熏鱸圍飲坐深簷何如垂  
釣寒江上風拜蘆花笠影尖

萬籟無聲噤曉鴉門前迹斷故人車恰逢歲暮紛投米尚道炎  
方徧着花蘇武忍飢終守節袁安歸臥已無家手弓擬射陰山  
虎未肯孤吟效八叉

癸亥元夕對月有作

明月仍在天今宵第一圓荒城官鼓歇古寺佛燈懸但照流亡  
屋遙憐戰鬪年金吾空放夜車騎息喧闐

驚聞回匪馬容在省垣作亂制軍潘公死之時正月十五

日也

置身虎穴力難施口舌焉能戰獠兒賊未畏威嫌撫早公非乏

策恨來遲

公來滇時省垣撫局早成緣營諸將皆回人事已不可爲矣

堂堂講舍橫經地凜

凜元戎喋血

時叛賊馬容時署武定營參將通欵于大理杜逆

院諭令出城迷遇害

幾處危疆資保障長沙不死死滇池

公嘗守湖南省城晝夜巡視墮

馬傷臂不顧賊卒解圍去

昆明學訓導華藕船嶠監五華書院見潘帥被戕擊案大

罵賊並戕之

鐵漢手無鐵不能搥賊胸奮髯呼且詈攘臂觸其鋒胡瑗人師

喪滅洪地下從毅魂招鄭弁肉食笑庸庸

督轅武巡捕鄭某撫潘帥屍大哭亦被賊

戕



雲南守黃梅谷昆明令翟樂園聞變趨視先後被賊戕於

道

齊國哀王蠋平陵弔義公趨班才濟濟

是日各官俱謁廟回

併命太匆匆

劫比黃巾慘歸憐白首同淒涼此元夕月黑鬼燈紅

少司馬黃公矩卿殉節詩

昔上陳情表臨危今死之君親兩無負盜賊爾何爲燕國文章

伯河汾將相師

晉師湘鄉曾公其門下士也

瑤琴眞絕響遺直緬朱絲

省垣之變岑彥卿方伯

毓英

卽署爲營嚴兵以待賊不敢

偪時提督亦回人帶兵在臨安方伯飛書促之歸內外

夾擊殲賊甚眾馬逆遁走城中復安

小醜干天紀維藩仗蓋臣乞師書灑血卻賊膽包身殺氣開妖

霧呼聲動戰塵干刀期戮莽義憤庶全伸

古意

東風日夜吹長，彼枳棘林，衆草蔽層坂。蘭蕙安可尋，泠泠三尺琴。彈我四愁吟，一彈潛魚躍，再彈下飛禽。鍾期不再遇，衆豈余荒淫。抱琴下巖阿，墜涕霑衣襟。

不雨

今年春不雨，何以活疲民。天地浮兵氣，江湖病渴身。芋田頻訟水，粉社但祈神。飢饉憂方大，豺狼況未馴。

寄巖樓上人

曰余倦簿領，發興在林樾。遠與已公別，改歲見華月。西山近何如，流夢記恍惚。寺門春水生，石磴秀薇蕨。思之不得見，晨興一挂笏。

寄清光上人

濯濯雲水僧早歲謝疆鎖安禪城市中無異洞壑坐水鳥帶聲  
飛松子無風墮流目足忘機苦吟興亦頗手樹太華茶汲泉試  
新火

田父送櫻桃

蠟珠錯落瀉筠籃贈自田家味最甘蒟醬千年通驛國荀廚三  
月憶江南飽嘗恰侑除醪酒小摘非包橘袖函遙想  
寢園春薦日鼎湖殘淚至今含

故國

忽忽清明過迢迢故國心風塵仍寇盜夢寐自山林客淚兼花  
墮春愁比病深時因南燕到一爲奏吳吟

偕同人游雙龍潭

駕言陶嘉月改服乘籃輿出郭門南望眾山鬱以紆數家結茅

屋併力耕新畝行行越畛隰稍稍窮絲筵清泉滙兩潭傳聞龍  
所都貝闕魚鱗屋歲時走邨巫春水起堂下眾木羅墻隅靈雨  
倏而來四座風舒舒豈惟游客喜實足慰農夫乘醉喚歸去落  
日仍在途

登曲靖城北樓眺白石江

飛樓縹緲凌女牆憑欄下瞰白石江無風而風水活潑欲雨不  
雨山蒼涼沈沙折戟拾牧豎天陰鬼哭多戰場荆棘年來徧邨  
落傷心豈獨弔梁王

題陶淵明集

淵明本避世乃心在中原脫屣彭澤令寄想桃花源五斗不屑  
營乞食來荒邨齷齪伐荻兒攘鼎自言尊阮生廣武歎先後同  
煩冤手無荆軻七慷慨還入門已矣勿復言呼兒羅酒樽

引疾乞歸呈省垣諸公

敢向王門學碎琴，但懷賀老早抽簪。力回天地憑公等，夢落鄉

關憶舊林野鶴，何來橫海翼孤雲。甯改在山心

賢丙辰補散館詩題雲無心以

出岫得一聯云縱教施雨去不改在山時遂成改官之識此身衰病無多願，尙欲西湖續醉

吟

重九日劉君用于假汪君秋澗寓樓邀諸同人作登高雅

集時余始由曲陽赴省得與斯會賦詩紀事

翠海前遊地，孤鞍薄宦裝。兩年如昨別，幾日又重陽。風雨愁征

戰，光陰逼老蒼。漁舟能買得，結想在滄浪。

勝會仍絲竹，當筵忘主賓。相逢多難後，莫作獨醒人。書劍飄零

日，關河恍儻身。花潭三尺水，擬欲就汪倫。

時汪君招余同寓未果

漫興四首

自笑龍材似散樗關河漂轉負樵漁侏儒到處驕臣朔邱壑終  
當讓功與無計改操三尺劍有心補讀十年書溟雲燕樹醒殘  
夢羸得霜痕兩鬢疎

典卻朝衣布破存一廬近市日開尊旁人爭羨羊頭爵名士何  
妨犢鼻視世上浮雲盡蒼狗道邊荒草幾朱門阮生痛哭陸生

笑問着山僧總不言

謂嚴棲清  
尤兩上人

東西南北蒼茫路三萬六千遊戲場也想酬知忘束縛杜詩束縛酬知

已自憐負性太疎狂時危莫上檀公策鄉遠難謀杜甫堂骨肉

全家拋四地那堪前路尙豺狼

時余弟兄赴粵妻子在浙姬氏挈子女寓蜀

若問行藏願尙賒江湖載酒是生涯殘書兒覓麻沙木隙地妻  
栽瓜蔓花每飯不忘惟舊雨四時都好是漁家此情說向前游  
侶妒煞龍山老孟嘉

板橋驛館讀巖棲彩雲樓詩鈔卽題

五年曾識惠休名，葵向庵中禪榻清。  
足踏亂雲過吳楚，口傳佳句在公卿。  
梅花着雪無寒相，澗水離山有遠聲。  
茅屋賦詩殘夢斷，霜雞喚起板橋行。

秋潭將挈眷入蜀，鬻別業以供行李，回思重九登樓之集。

又成陳迹，瀕行出示小影，屬題漫賦二律，卽以誌別。

箕坐科頭自舉觴，相看不減舊時狂。  
干戈屢脫青氍毹，在樓榭重登綠樹蒼。  
藁筆幾年傍昆海，戰船昨日下錢塘。  
近傳杭州恢復之信秋風

同有菹鱸興，深夜他鄉說故鄉。  
用竹垞句

別墅東山去，謝安辦裝連日買。  
征鞍拾遺老作諸侯客，供奉詩吟蜀道難。  
梁燕移巢春似夢，濠魚出峽水方寬。  
桃花明歲開如舊，誰續潭前載酒歡。

宋小墅廉訪

延春

十月八日誕辰恰逢瑞雪用東坡韻賦

呈

策馬衝寒謁宋纖丹崖千丈氣森嚴明年預祝芄芑麥此老能  
吟昔昔鹽桑落熟時宜臥甕梅花開未試巡簷梁園授簡多賓  
客手斂薑芽呵筆尖

城鼓停搥起凍鴉門前啣軋引鹽車一庭微亞平安竹萬樹齊

開頃刻花飛檄夜擒銅馬賊

時楚雄屢有捷音

烹茶輿續鐵牛家

宋陶穀小

牛字鐵

淞江十月鱸魚美何日篝燈手自叉

再疊前韻

昨宵月子兩頭纖突起涼颺到曉嚴黃獨苗肥調玉糝紅醯酒  
暖漬金鹽

五加皮一名金鹽

空山客臥移琴薦深巷人來側帽簷最憶

湘衫行篋蜀幘眉遙指蜀峰尖



疎疎密密散林鴉寂寞誰停石徑車溪女解歌黃竹子牧童悞  
捉綠楊花耐貧且吃殘年飯乘興時尋處士家鐵甲西征寒徹  
骨須憐壯士孟金叉

見北史麥鐵杖傳

三疊前韻

縞帶銀盃句太纖不持寸鐵令方嚴遙天忽下千行鷺繞郭平  
添萬竈鹽時以綈袍懷故友誰將廣廈慰窮檐鐘聲渡水知何  
寺粉樹模糊認塔尖

西望嚴關峙老雅

關名在餘豐縣

黑貂傲盡出無車

時擬西行未果

照來絲鬢

初驚老飛入叢蘆不辨花灞岸驢鳴因送客孤山鶴去未還家  
屏間牘有藍生筆臥看頻支玉畫叉

余藏有明藍田叔畫雪景橫幅

四疊前韻

欲持傲骨破羣織大澤披裘舊姓嚴山路彌漫防棘刺客身瑣

屑問蓋鹽秋鴻將去仍留迹黃鵠雖飢不傍檐苦戀江鄉風味  
好寒燈社酒品團尖

園林啼斷後棲鴉歸興濃如對麴車倦客晴窗臨晉帖豪門重  
幙賞唐花黃昏巷底吟孤犬白屋兵餘結數家探得野梅今歲  
早不辭路滑覓三叉

五疊前韻示巖棲清光兩上人

風細香遲篆影纖寒燈夜起誦楞嚴聞根不觸泥沾絮我相全  
空水着鹽破衲半牀堪度臘敗蕉三尺尙偎檐遙知齊已詩情  
淡悟徹天龍一指尖

密補巢痕禿樹鴉門前岑寂但牛車宰官無分聊煨芋天女從  
空一散花赤腳恣游那辦屐白頭來臥卽爲家誰將甘露門開  
後劍戟銷殘到鐵叉

滇中兵器用又者多有  
月牙叉牛角叉諸名

六疊前韻

疎竹添肥瘦柳纖迂倪畫格最高嚴惜無司馬同沽酒驚起宏  
羊要權鹽風緊鴈鴻投近渚宵寒蝙蝠墮危檐兒童戲捏維摩  
像不怕冰棱繞指尖

晚來霽色閃金鴉髣髴銀濤駕素車故國歌殘瓊樹曲小園綻  
徧玉蘭花烹羔帳外誰開宴擁馬關前敢顧家時將赴西軍營鏟破  
賊濠如見睨血痕紅漉典韋叉

過羅次煉象關遇陳秀才話舊口占贈之

石磴盤旋屢着鞭鴉關西去象關連重看士女非前日愁訴于  
戈又五年世業何常今負戴詢關上土巡檢李君已故其子無以自存藉負鹽餽口故壇  
無恙亦神仙白頭舊令書生耳下馬逢君一惘然

臘月二十七日由鎮南軍營言旋將有黔蜀之行路過西

山華亭寺卸鞍小憩是日立春卽事

集唐

我行殊未已

宋之問

題徧好林泉

王維

竹徑從初地

上方鳴夕磬

劉長卿

高閣逼諸天

岑參

征客重回首

沈佺期

昆明落

日前

宋之問

### 除夕在華亭寺

戰鼓聲中歲月陳，  
迴鞭轡碧曉春茶。  
煙榻相逢地布襪，  
青鞵未息身莫道。  
山間忘甲子，  
直疑夜半守庚申。  
圍鑪煨芋消清話，  
不用華盤薦五辛。

### 甲子元旦借天一僧由華亭寺閒步至太華寺

一笑逐僧去，  
紅藤杖過肩。  
寒花開卯塔，  
野水落梯田。  
出寺復入寺，  
新年如舊年。  
漁翁昨夜醉，  
日午未回船。

### 正月二日留別華亭寺

五宵團話佛前燈攬鏡俄驚馬齒增纒拂塵衫又攜屐匆匆也  
類打包僧

義象冢

明水西酋安邦彥作亂犯滇界剽悍莫能制有陶土司  
者驅象與鬪敗而歸象憤不食復奔敵營衝突蹂躪當  
者輒死陶乘之獲大勝焉翌日象創甚徧體出鐵鏃斗  
許遂斃滇人憫之禮葬馬龍南山下表以碑曰義象冢  
沐國南征詔併六羅施八番最後服水西安酋雄牙鬚旁掠滇  
疆飽饑腹陶家壯士殺賊來橫矛騎象呼若雷三交矛失棄甲  
返拔劍斫地憤以哀困獸雖困不忘鬪象怒回身格狂寇一鼻  
捲空萬鈞壓四足高春千騎蹂鬚尾橫掃妖旗傾杵牙銳穿虜  
甲透弩發連珠肉薄進壯士從馳貫其陣塵沙蹙踏雲飛草

木披靡猶雷震蚩尤讐伏成黔驢奏凱歸來血洗刃猛象功高  
力亦竭銜血裹創爲主殉尋常狗馬尙唯蓋冢仿祁連屹數仞  
吾聞緬甸俗畜象如畜牛但助耕田不習戰汝獨力與貔貅倅  
又聞漢官儀調象如調馬但諳立仗不觸邪汝更威堪獅豸假  
西南苗獠性氣麤喜人怒獸相吞屠尊親大義共血氣褒忠勿  
以異類區嗚呼汝象戰死無媿余大夫彼哉危素真不如

黔陽雜咏

笑口難開策馬忙蘭津坡頂望黔陽

上了蘭津坡人馬笑呵呵黔中諺語

下戈未

退窮荒劫山水虛誇富貴鄉

黔省有貴山富水

花布桶裙苗婦飾綠筠

斗笠賈兒裝西南門戶憂非細莫遣殘黎困餽糧

叛服何常楚蜀驚牂牁從古費經營謫官都擅清流譽

如唐之李青蓮

上龍標明之王陽明鄒南皋等

健婦能興蠻部兵

嘉慶初南龍妖婦王囊仙與歸化百頭寨苗婦玄香糾合

作亂威劫侯地少奇珍充土貢歲煩遠餉策邊城峒丁等戶皆  
勳保剛平之蒼赤要恃賢侯勸織耕

藍縷開邦士氣振莫言荒徼盡頑民前朝久議珠崖棄勝國新

開蕊榜掄野者在明正統時始行鄉試亂世奸雄成底事南都書畫早生塵

恩楊文怨馬英俱黃土夢斷桃花舊日春

逃亡盡是可憐蟲十載烽煙徼嶺紅人與猿猴爭戶牖邨無雞

犬雜蒿蓬健兒暴起儒真賤貪吏如逢術亦窮苦憶滇池風鶴

警天荆地棘略相同

城市依然樂土耽趁墟人集左肩擔居民巧琢雄黃佩游女爭

誇涵碧潭在會城南一自田單成逐客謂田單更誰南八是奇男城內

有忠烈廟祀唐南羽書旁午真愁絕破月空停旅館驂

笳吹喧闐瑣院來遙看幕府戟門開時制軍暫駐黔省內蛇自向城中

關正月十六撫轅兵與市虎紛從亂後猜寫觸談天尊上客時

西天主教開館城中空拳擊賊費長材六千君子先聲勇早盼饒歌奏凱秦

回近聞廣西調兵六千來黔助剿

枝峰蔓壑接黔靈巖底天光一綫青獨井爭泉泥滑滑亂山蒸  
雨晝冥冥鳥薪分束千條荀綠酒開嘗半尺瓶臍有春明文字  
債擁箋走筆不曾停

冷落年來欲近僧懷中漫刺一條冰無端舊雨天涯合更覺離

懷客裡增茶榻清談陪陸羽玉臺新咏憶徐陵謂同年陸澹吾學使徐花堃觀

察廟堂畱意安邊策日望羣公贊中興

黔中苗彝風土吟

宋蔡當年本楚俘侏儒左衽溷蠻奴遺民能話中原事問道夷

吾近有無

宋家苗蔡家苗皆中國之裔春秋時爲楚子所讎食俘其人民而放之南徼遂流爲彝



苗姬窈窕賦于歸惡劇無端赤棒揮莫倚鴛鴦能打散一肩羸

負去如飛

宋家俗女子將嫁男家遣人往迎母家率親戚垂楚之謂之奪親

羊皮一領左肩拖囊髮籠頭兩角裁羅俗由來工事鬼笙簫迎

得大奚婆

羅雅有黑白二種羅耐國後俗尚鬼又號羅鬼見其主必左肩披羊皮一方以青布爲囊籠髮其中而束

于頌若角狀疾不延醫惟用巫說曰大奚婆

兩耳銀環繡袂襦女官氣概勝凡夫莫驚鬼母行郊外曾縮前

朝太守符

羅羅以女官主事諸土府皆然明時以女土司某爲普安知府

白蠻荒部聚山隈不省開筵有箸杯隣舍大烹三足釜行人昨

夜販茶回

白羅羅與黑羅羅同而爲下姓飲食無盤盂以三足釜灼毛黼血攢食若雞以販茶爲業

伐豕椎埋盡盜魁仲家結習尙雄猜官差搖手弓兵避誰報前

山捉白來

仲家苗最橫鄉掠無辜人口謂之捉白放黑以爲嫁禍之媒

長裙綵綬亦風流梁穀香球着意投若耍天孫容易會黃姑須

養百頭牛

仲家婦人多織好長裙褶積多至二十餘幅極腰以練布若綬仍以青布裏之孟春跳月以花球視所歡者擲之奔而不禁嫁乃絕之以

發色定聘資多至牛三五十頭

偶持箭鏃射溪南毒比含沙蜮在潭一道星光飛過嶺前邨夜

半放金蠶

仲家能斂百物之毒以染箭鏃中人血縷潛立死又以殺人如不殺人卽反噬其主或厭而思遣去必以金銀等物裹蠶置于道側拾得者蠶卽隨之而去謂之嫁金蠶

狃狃花裙結束輕打牙纜罷嫁衣更含辛茹苦郎知否怕其燈

前齧臂盟

狃狃其種有五皆以幅布圍腰傍無裳積謂之補裙花布爲花布狃狃在平遠平伐者爲打牙狃狃女子

將嫁必折其二齒恐妨害其夫家

狗耳龍家姓氏訛嬉春齊繞鬼竿歌莫將粧飾嗙盤瓠近日貂

蟬狗尾多

龍家蓋徒驪氏之訛衣尙白婦人髻髮螺髻上指若狗耳之狀衣斑衣以五色藥珠爲飾又號狗耳龍家

春時立木于野謂之鬼竿男女旋躍而擇對

虎場趕過馬場喧耕織遺風喜八番春罷椎塘開社譙亂搗腰

鼓杏花邨

八番在定番州其俗勞女逸男業耕

帶蘿被薛九歌同聞道天苗翦翠工十五女郎春睡起山花香

透竹樓風

天苗一名黑苗謂木葉以爲上服衣豆謂

妾振金鈴下石岡郎吹蘆管渡橫塘踏歌聯臂無拘束歡煞春

風跳月場

花由每歲孟春合男女于野謂之跳月須擇平壤爲

暮則挈所私歸誰浪笑歌比曉乃散

百丈懸崖寄一枝竹梯高下接纍纍杜鵑聲裡思親淚正是清

明上冢時

括羊苗懸崖墜窾而居構竹梯上下親死不哭笑舞

歲至親不復矣

蠻觸相爭略是非老拳毒手各施威不緣獅子山頭吼更有何

人敢解圍

生苗紅苗同類相殺以婦人喚方解

繡段當胸步水濱臨風晞髮小逡巡綠楊影裡青絲颺莫悞江

頭濯錦人

陽湖羅漢苗婦人服短衫胸前刺繡一方以銀錢飾之數日必浙水沃髮少選滌之澗中

紫薑最喜鬪戈鋌九姓相依少力田偏是新元好時節閉門

作蟄蟲眠

紫薑苗性嗜殺以十一月爲朔元日忌門不出二七而解

鏢弩隨身出比肩茅花作絮白于棉洪州水土饒禾稼胡不嬉

游好洞天

洞人出入夫婦必偶扶鏢弩自隨冬以茅花爲絮御寒在洪州者地肥多稼而惰于耕作惟喜剽劫而已

黃金四目舞通宵雜唱田歌報賽簫欲問社公在何處迎來一

腳是山魃

土人所在有之歲首則迎山魃逐邪屯以爲離男子披飾如社形擊鼓以唱神歌

卜來雞骨歲豐穰讌客爭羅異味嘗海錯山珍是何物登筵誇

道聖齋香

野俗烹饋兒饗客先取饋兒結腸中細糞置在盤筵以筋夾調在醃中方餐饋肉彼人謂細糞爲聖齋